

قلب ورق

قلب عامل من حديد

وهو أصلاً من ورق

قرر في عز ضلمته ينور لهم

.. قام إتحرق

وأما انطفى نوره وبانت ضلمته

راحوا.. وونسه إتسرق

ساح الحديد مفضلش منه غير الورق

لملم دموعه والي باقى م اللي فات

والي كان فاضله منهم.. ذكريات

واستخبي من جروحه

وفات ما بين الحاضرين

ينعي روحه

وإنه هيعيش.. بس آله

أما عن نبضه فمات
كان قرار منه شجاع
إنه هيدق بسكات
وإنه لوجه يوم وحن
بردوا هيحن ف سكات
هو آه إشتاق ساعات
لكنه بان قدام عيونهم من حديد
ودارى جواه الورق
حتى إن كان فرح عمره إتسرق
هو بردوا الذنب ذنبه لما حب
وغَاطَهُ إنه إتدلق
كان مبيغمضش عينه عن راحتهم
وان كفوف الكون سابتهم
هو كان رافض يسيب

هو كان نعم الحبيب
بس كان غَلَطُهُ الأساسي
هو خوفه..
مالي بيسموه نصيب!